

ОНГОН СУМЫН 09 ДҮГЭЭР САРЫН
ҮЙЛ АЖИЛЛАГААНЫ МЭДЭЭ

2023.09.27

Хавирга

Нэг. Удирдлага зохион байгуулалтын чиглэлээр:

Иргэдийн төлөөлөгчдийн хурал, Тамгын газар, төрийн удирдлагын ажлын чиглэлээр

Сумын иргэдийн төлөөлөгчдийн хурлыг зохион байгуулж ОНХС-ийн хөрөнгөөр хийгдэж байгаа ажлын явцыг хэлэлцсэн.

Хоёр. Эдийн засаг төсөв санхүүгийн бодлогын хүрээнд:

Монгол улсын Засгийн удирдлага мэдээллийн цахим сүлжээг ашиглан төсвийн байгууллагуудын төлбөр тооцоог өдөр тутам хийж гүйцэтгэн холбогдох тайлан мэдээнүүдийг тогтмол гарган өгч байна.

Нийгмийн даатгалын байцаагчтай тухай бүр тооцоо нийлж, өр авлагагүй ажилласан.

Орон нутгийн хөгжлийн сангийн 2022 оны үйл ажиллагаанд хяналт шалгалт хийгдсэн.

Сар бүрийн төсвийн орлого, зарлагын гүйцэтгэлийн мэдээ, төрийн сангийн мэдээ, өглөг авлагын мэдээг хугацаанд нь үнэн зөв гаргаж цахим сүлжээгээр дамжуулан төрийн сангийн хэлтэст өгсөн.

Гурав. Боловсрол, соёл, эрүүл мэнд, нийгмийн хамгааллын бодлогын хүрээнд:

Монгол Улсын Хөдөлмөрийн баатар Д.Готовын алдарыг тэмдэглэх арга хэмжээг суманд зохион байгуулж, УИХ, аймгийн удирдлага ирж арга хэмжээнд оролцсон.

Ерөнхий боловсролын сургуульд стандартын шаардлага хангасан шүүлтүүртэй ундны усны төхөөрөмж байрлуулахад ЗДҮАХ хэрэгжүүлэх зардалаас 4,420,000 төгрөгийн дэмжлэг үзүүлж, шийдвэрлэсэн.

Цэцэрлэгийн хүүхдийн хоолны хэрэгслийг шинэчлэхэд/Иж бүрдэл хоолны аяга/ ЗДҮАХ хэрэгжүүлэх зардалаас 6,000,000 төгрөгийн дэмжлэг үзүүлсэн.

Дотуур байрны зөөлөн эдлэлийг ЗДҮАХ хэрэгжүүлэх зардалаас 5,000,000 төгрөг зарцуулж шинэчилсэн.

Сумын уурын зуухны шинэчлэлийн ажлыг ОНХС-ийн хөрөнгө 300,000,000 төгрөгөөр гүйцэтгүүлж, ажлыг хүлээн авсан.

Сум орон нутагт зайлшгүй шаардлагатай байгаа тусгай мэргэжлийн боловсон хүчнийг судалж, нөөцийг бэлтгэх ажлын хүрээнд Анагаахын шинжлэх ухааны үндэсний их сургуулийн Нүүр, ам судлалын сургуульд шүдний эмч, ХААҮИС-ийн Биотехнологийн сургуульд мал зүйч мэргэжлээр суралцаж байгаа 2 оюутантай гэрээ байгуулж сургалтын төлбөрийг шийдвэрлэсэн.

“Намрын ногоон өдрүүд- 2023” үзэсгэлэн худалдаа, Төрийн байгууллагын “Нээлттэй хаалга”-ны арга хэмжээнд Эрүүл мэндийн төвөөс иргэдэд “Элгээ хайрлацгаая”, В, С вирус зөвлөмжийг хүргэн, урьдчилан сэргийлэх үзлэг үзлэгийн талаар 32, эрт илрүүлэг оношлогооны талаар 52 иргэнд эрүүл мэндийн зөвлөгөө өгсөн.

Соёлын ажилтны өдрөөр “Соёлын орон зай” нэртэй хөтөлбөрт үйл ажиллагааг зохион байгуулж, Соёлын өв, орон нутаг судлах танхимыг сурталчилах, албан байгуулаллагуудын дунд Гар бөмбөгийн тэмцээн зохион байгуулсан.

Дөрөв: Хөдөө аж ахуй, байгаль орчны бодлогын хүрээнд:

Аймгийн засаг даргын 05 тоот албан даалгаврыг хэрэгжүүлэхээр 2023-2024 оны өвөлжилт хаваржилтын бэлтгэл ажлыг хангах ажлын хэсгийг сумын засаг даргын захирамжаар томилж, байгууллага, ААН, иргэдийн бэлтгэл ажилтай танилцаж, ажлын явц дүнг ХХААГ-т хүргүүлсэн.

Сумын төвийн хогийн цэгийг ландфилл технологиор засварлан тохижуулсан.

“Эрүүл хүнс-Эрүүл Монгол хүн” үндэсний хөтөлбөрийн хүрээнд орон нутгийн өрхийн болон жижиг дунд үйлдвэрлэл, үйлчилгээ эрхлэгчдийн үйл ажиллагааг дэмжин сурталчилж, харилцан туршлага солилцуулах, орон нутагт үйлдвэрлэсэн хүнсний бүтээгдэхүүн, гар урлалын бүтээлийг иргэдэд хүргэх “Намрын ногоон өдрүүд-2023” үзэсгэлэн худалдаа, төрийн байгууллагуудын “Нээлттэй хаалга”-ны өдөрлөгийг зохион байгуулж, 5 байгууллага, 5 ААН, 18 иргэн оролцсон.

Үзэсгэлэн худалдаан оролцогчдоос 5 төрөлд шалгаруулж, Сүхбаатар аймагт зохион байгуулагдах “Сүхбаатарт үйлдвэрлэв-Намрын ногоон өдрүүд-2023” үзэсгэлэн худалдаанд оролцох 1 байгууллага, 4 иргэнийг шалгаруулсан.

Сумын өвс тэжээлийн аюулгүйн нөөцийг бүрдүүлэхээр хадлангийн 4 салаа/байгууллагын 1, хувийн 4/ Дарьганга, Эрдэнэцагаан сумын нутагт ажиллаж байна.

Сумын төвд улирлын нохой устгалын ажлыг зохион байгуулж, 79 нохой устгаж иргэдийн аюулгүй байдлыг хамгаалж, хүн, амьтны халдварт өвчин гарахаас урьдчилан сэргийлсэн.

Албан байгууллага, ААН, иргэдийг хамруулан байгууллага, ААН-ийн эзэмшил, сумын төвийн ойр орчимд их цэвэрлэгээний ажлыг зохион байгуулсан.

МЭДЭЭ БОЛОВСРУУЛСАН:
ХЭЗ-Н МЭРГЭЖИЛТЭН

С.АЗБИЛЭГ